

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst («Službene novine Zeničko-dobojskog kantona», broj: 7/10), a u vezi sa članom 28. stav (2), članom 29. stav (1) i članom 45. Zakona o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), na prijedlog Ministarstva za privredu, Vlada Zeničko-dobojskog kantona, na 94 sjednici, održanoj 26.04.2017. godine, donosi

ZAKLJUČAK

o usvajanju Programa utroška budžetskih sredstva u 2017. godini
(Podrška javnim tijelima u pripremi projekata javno-privatnog partnerstva)

I.

Usvaja se Program utroška budžetskih sredstava u 2017. godini - Podrška javnim tijelima u pripremi projekata javno-privatnog partnerstva, Ministarstva za privredu Zeničko-dobojskog kantona, u iznosu od 250.000,00 KM (slovima: dvijestotinepedesethiljada konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona („Službene novine Zeničko-dobojskog kantona“, broj: 15/16) u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

III.

Zaključak stupa na snagu danom donošenja.

Broj: 02-_____/17.
Datum, 26.04.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za privredu,
1x Ministarstvo finansija,
1x a/a.



PROGRAM
UTROŠKA BUDŽETSKIH SREDSTAVA U 2017. GODINI

Podrška javnim tijelima u pripremi projekata javno-privatnog partnerstva

Zenica, april 2017. godine

PROGRAM
UTROŠKA BUDŽETSKIH SREDSTAVA U 2017. GODINI
Podrška javnim tijelima u pripremi projekata javno-privatnog partnerstva

I. UVOD

Pravni osnov za donošenje Programa utroška budžetskih sredstava u 2017. godini – Podrška javnim tijelima u pripremi projekata javno-privatnog partnerstva nalazi se u članu 28. stav (2), članu 29. stav (1) i članu 45. Zakona o izvršavanju budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16).

Ovaj program usaglašen je sa Strategijom razvoja Zeničko-dobojskog kantona za period 2016-2020 godina, te sa nadležnostima Ministarstva za privredu.

II. IZVOR FINANSIRANJA

Budžetom Zeničko-dobojskog kantona za 2017. godinu, („Službene novine Zeničko-dobojskog kantona“, broj: 15/16), utvrđena su finansijska sredstva, ekonomski kod 614100 – Podrška javnim tijelima u pripremi projekata javno-privatnog partnerstva iz Kataloga projekata 2017 u iznosu od 200.000,00 KM i ekonomski kod 822500 – Učešće u zajedničkim ulaganjima u iznosu od 50.000,00 KM.

III. ALOKACIJA SREDSTAVA

Imajući u vidu raspoloživa sredstva, te obaveze koje proizilaze iz Programa rada Ministarstva za privredu, Programa rada Vlade Zeničko-dobojskog kantona i Zakona o javno-privatnom partnerstvu („Službene novine Zeničko-dobojskog kantona“, broj:6/16), Ministarstvo za privredu je planiralo utrošak utvrđenih sredstava, na sljedeći način:

1. PODRŠKA JAVNIM TIJELIMA U PRIPREMI PROJEKATA JAVNO-PRIVATNOG PARTNERSTVA IZ KATALOGA PROJEKATA 2017

UKUPAN IZNOS: 200.000,00 KM

Indikatori: Broj projekata realizovanih u skladu sa Zakonom o javno-privatnom partnerstvu
Nosilac: Sektor za neproizvodne djelatnosti, razvoj i obrt

1.1. Podrška javnim tijelima u pripremi projekata javno-privatnog partnerstva iz Kataloga projekata 2017

Iznos: 137.000,00 KM

Svrha:

Strategijom razvoja Zeničko-dobojskog kantona do 2020. godine, model javno-privatnog partnerstva je prepoznat kao jedan od načina ne samo za unapređenje javnih usluga, već i za podsticanje ekonomskog razvoja kantona u cjelini, a naročito lokalnih zajednica te za olakšavanje investicija privatnog sektora.

U skladu sa tako postavljenim strateškim odrednicama, a u cilju unapređenja primjene Zakona o javno-privatnom partnerstvu i podzakonskih akata, te unapređenja primjene modela javno-privatnog partnerstva Vlada Kantona će sufinansirati pripremu projektne dokumentacije (idejni projekti, studije izvodljivosti i dr.) za 5-10 projekata koje javna tijela, u skladu sa Uredbom, identifikuju u Katalogu projekata. Na ovaj način će se osigurati 100% uvećanje sredstava uložениh u ekonomski razvoj (kooperacija sa drugim javnim tijelima).

Organizacija-primalac: Javna tijela na području Zeničko-dobojskog kantona (organ uprave i upravne organizacije Kantona, jedinica lokalne samouprave sa područja Kantona-JLS, javne ustanove i javna preduzeća čiji je osnivač i većinski vlasnik Kanton ili JLS, nadležan za pružanje predmetne javne usluge

Kriteriji: Prema Uputstvu i odlukama Vlade Kantona.

1.2. Podrška javnim tijelima u jačanju kapaciteta za primjenu modela javno-privatnog partnerstva

Iznos: 50.000,00 KM

Svrha:

Priprema i realizacija projekata po modelu javno-privatnog partnerstva je višestruko kompleksan proces i predstavlja svojevrsnu novinu za javni sektor. Stoga je potrebno prvenstveno educirati ljudske kapacitete javnog sektora o pojmu javno-privatnog partnerstva kao i načinu pripreme, realizacije i praćenja projekata javno-privatnog partnerstva.

U cilju jačanja kapacitete javnog sektora (javnih tijela) za pripremu, realizaciju i praćenje projekata javno-privatnog partnerstva Ministarstvo planira realizaciju specijalističkih programa edukacije za javna tijela i druge učesnike i to 2 opće obuke o modelu javno-privatnog partnerstva i 3 specijalističke obuke zavisno od vrste projekata koji budu u Katalogu projekata 2017 i potreba javnih tijela za realizaciju tih projekata.

Organizacija-primalac: Pravna i/ili fizička lica angažovana za realizaciju obuka

Kriteriji: Prema javnom pozivu u skladu sa Zakonom o javnim nabavkama

1.3 Uspostava Registra ugovora o javno-privatnom partnerstvu

Iznos: 13.000,00 KM

Svrha:

Shodno članu 23. stav (2) Zakona o javno-privatnom partnerstvu („Službene novine Zeničko-dobojskog kantona“, broj: 6/16) javni partner dužan je registrovati ugovor o JPP kod Ministarstva za privredu na način propisan podzakonskim aktom.

Članom 24. tačka c) Zakona propisano je da je Ministarstvo za privredu zaduženo za ustroj i vođenje Registra ugovora o javno-privatnom partnerstvu. Registar bi se trebao izraditi u elektronskoj formi, odnosno kao program (softver), a u tu svrhu potrebno je provesti javnu nabavku za izradu programa (softvera).

Organizacija-primalac: Pravno i/ili fizičko lice najbolji ponuđač izabran u postupku nabavke

Kriteriji: Elementi utvrđeni javnim pozivom u skladu sa Zakonom o javnim nabavkama

2. UČEŠĆE U ZAJEDNIČKIM ULAGANJIMA

UKUPAN IZNOS: 50.000,00 KM

Indikatori: Broj projekata realizovanih u skladu sa Zakonom o javno-privatnom partnerstvu

Nosilac: Sektor za neproizvodne djelatnosti, razvoj i obrt

Svrha:

U cilju unapređenja primjene Zakona o javno-privatnom partnerstvu i podzakonskih akata, te unapređenja primjene modela javno-privatnog partnerstva, Vlada Kantona će finansijski podržati JPP projekte iz zajedničke ili podijeljene nadležnosti Kantona i drugih javnih tijela, odnosno one projekte koji su od značajnog interesa za Kanton, a koji proizilaze iz Kataloga projekata JPP.

Organizacija-primalac: Organ uprave i upravne organizacije Kantona

Kriteriji: Prema odlukama Vlade Kantona.

REKAPITULACIJA

Rb.	NAZIV PROGRAMA	Iznos sredstava KM
1.	PODRŠKA JAVNIM TIJELIMA U PRIPREMI PROJEKATA JAVNO-PRIVATNOG PARTNERSTVA IZ KATALOGA PROJEKATA 2017	200.000,00
1.1.	Podrška javnim tijelima u pripremi projekata javno-privatnog partnerstva iz Kataloga projekata 2017	137.000,00
1.2.	Podrška javnim tijelima u jačanju kapaciteta za primjenu modela javno-privatnog partnerstva	50.000,00
1.3.	Uspostava Registra ugovora o javno-privatnom partnerstvu	13.000,00
2.	UČEŠĆE U ZAJEDNIČKIM ULAGANJIMA	50.000,00
UKUPNO:		250.000,00

Dakle, u cilju unapređenja primjene Zakona o javno-privatnom partnerstvu i podzakonskih akata, te unapređenja primjene modela javno-privatnog partnerstva Ministarstvo će sufinansirati pripremu projektne dokumentacije (idejni projekti, studije izvodljivosti i dr.), te finansijski podržati JPP projekte iz zajedničke ili podijeljene nadležnosti Kantona i drugih javnih tijela. Pored navedenog Ministarstvo je planiralo i realizaciju specijalističkih programa edukacije za javna tijela i druge učesnike, prezentaciju Kataloga projekata JPP i uspostavu Registra ugovora o javno – privatnom partnerstvu.

Imajući u vidu činjenicu da će realizacija zavisiti od prijavljivanja potencijalnih korisnika, odnosno njihovog interesa, planirana sredstva se mogu prelijevati iz projekta u projekt.

Broj: 02-_____/17.

Datum, 26.04.2017. godine

Zenica

PREMIJER

Miralem Galijašević

DOSTAVLJENO:

1x Ministarstvo za privredu,

1x Ministarstvo finansija,

1x a/a.